

BRUMA

ET

1213. m. 16

3

VESPERA BRUMALIS,

Roystoniæ agitata.

POEMA.

Authore THO. WRIGHT,

Artium Magistro, & Medico.

————— *Mutata nomine, de Te*  
*Fabula narretur.* —————

Hor.

————— *Nec Te quaesiveris extra.* Perf. Sat. I.

LONDINI

Impensis GUIL. CARTER ad Insigne  
Rosæ & Coronæ in Cœmeterio D. Pauli.  
MDCCX.

THE UNIVERSITY OF

OXFORD

LIBRARY

OF THE

POPE

OF THE

OF THE

OF THE

OF THE

OF THE



R

H

Vend

Et V

E

Succ

Pass

Cur

Del

B

Uf

*Bruma, & Vespera Brumalis,*

# ROYSTONIAE

A G I T A T A.

**H**Athenus Æstatis Brumæq; reciprocus Ordo  
 Alternat certo remeantia Tempora gyro :  
 Vendicat at proprias Tempestas utraq; Dotes,  
 Et Venus amissum frustra deplorat Adonin.

Emeritæ Æstatis transit vaga Gloria : Bruma  
 Succedit, variâtq; vicem ; Boreaéq; rapinas  
 Passa, Gelu Nivibúsque riget, clauditq; recisum  
 Curriculo brevior Diem : tamen Emolumenta,  
 Deliciasque suas habet, & sua Gaudia, Bruma.

Bruma Voluptati, Ludis, studiisq; Dianæ  
 Usq; vacat, placidis multùm celebranda Triumphis;



2 *Bruma, & Vespera Brumalis,*

Dum spatiosa patent lætis Venatibus Arva,

Arva colenda novis auratâ veste Colonis.

Spumantes urgentur Equi; cursûq; citato

Sequantur timidam Catuli rapido agmine Prædam.

Tum læti ardescunt Hominûmq; Canûmq; Labores

Dum simul immensos Vocalis Musica Campos

Exhilarat, resonantq; Canum latratibus Arva,

Ingeminantq; sonos: Æther boat altus, & ingens

Per Roystonenses Clamor diffunditur Agros.

Nunc vigili incultos cingunt, Indagine Saltus,

Sylvâsq; & densis stipata Cubilia Dumis,

Lincosque, horrentesq; Specus, atq; invia Lustra

Exagitant: nunc Rete juvat, Laqueûmq; dolosum

Tendere; nunc Canibus Prædam venantur Odoris:

Dum Lepori, Vulpîq; struunt, Gentiq; Ferinæ

Mille Neces, sævôq; cadit multa Hostia Ludo.

Nunc juvat Aeriæ fallacia vincula Turbæ

Condere, & infaustum Perdici intendere Linum,

Stamineas Crates, & ineluctabile Clausum

Reticuli. Aligerum Catulus Venaticus Agmen

Pro-



Prodit, & obtutu terræ defigit; at illo  
Subsidente, Cohors Volucrum Pennata cubantem  
Demirata Canem, pariter subsidit, iniquos  
Haud fugitura Dolos; celeri nam Rete ruinâ  
Implicat incautam fatali Stamine Prædam.

Captivæ ducuntur Aves; miserandâq; Perdix,  
Sacra Jovi magno, numerosâq; inclyta partu,  
Cacabat, extremâ incusans Fata aspera voce,  
Lantâq; dat Mens moriens Legata Secundis.

Hicce Hygieia Sacris colitur Dea: Campus apertus  
Sic acuit Stomachum, sic Respiracula lustrat  
Liberiore Aurâ; dum nutrit Orecticus Aer  
Fermentativos Nitroso fomite Succos.

Præsum est. Tum varii subeunt post Prandia Ludi:  
Amotis Cyathis, Pomis Nucibusq; relictis,  
Nunc Picturatis gaudent contendere Chartis;  
Nunc Palamedeis meditantur Prælia Scaccis,  
Et Regum simulant Pugnas, & ludicra Bella,  
Ludicra Bella satis, multâmq; trahentia noctem;  
Tangere nunc Talos juvat, & certare sonoris

4 *Bruma, & Vespera Brumalis,*

Dæmonis. Officulis, & Eburno ludere Quadro.

\* Tum pandit Phrygias Luforia Scena Tabellas;  
Et repetens priscos scelerato in Codice Ludos,  
Exhibet instructum ter deno Milite Campum,  
Ludicramq; aciem, Tabulariq; apta Duello  
Agnina: dum bipatens, patulôq; simillima Libro,  
Dupla quater senis distinguitur Area Punctis.  
Indicunt Bellum Scrupi, quatit Arma Fritillus  
Cubica, Punctato luduntur Prælia Campo,  
Temperat ancipitem fatalis Tessera Pugnam  
Murmurat Orca, crepant Tali, nova Puncta capessit  
Calculus, & creperæ ficta sub imagine Pugnae  
Grassans, folivagum subito nunc opprimit Hostem.  
Impete, nunc propriam cursu contendit ad Arcem:  
Sed Rem fortuito præceps regit Alea Jactu.  
Cernuntur dubio Fors & Solertia Ludo;  
Nam si fortè daret Jactum Fortuna Sinistrum,  
Sæpè illum Dextro emendat Solertia Motu.  
Si modico, ut par est, conditur Pignore Ludus;

---

\* *Tabularum, seu Calculorum Lusus innuitur. Anglicè, Game at Tables, or, Back-gammon.*

( Talos,

Tunc operæ haud pretium est fontes componere  
Nec Precibus Jactum Stygiis damnare malignum:  
Pectora bile vacant, procullexulat Ira, Calorque,  
Et Furor, & Rabies, Rabinaeq; insana Cupido. T  
Tunc facit in hoc nos Tabularis Homuncio Ludos,  
Miscensq; in fontem Cui moderamine Litem,  
Tendit ad optatam placido certamine Metam;  
Et tandem expletis ridet Victoria Punctis.

Cum glacialis Hyems, canis armata Pruinis,  
Ingruit, & Roseis Tellus spoliata Tapetis,  
Exuit Herbosos, Floralia Dona, Smaragdos,  
Hyberno Æstivas permutans Vellere Gemmas.  
Cum movet obliquos per Cœli compita gressus  
Scorpio, & Astrigero Brumalia Sidera Limbo  
Expandens, longas vomit atro gutture Noctes:  
Dum Phœbus Tropici peragrans confinia Capri,  
Dispensat modicam parco de Sidere Lucem.  
Vix matutino Conjux Tithonia Cocco  
Rubricat montes, Eôaq; alta Cataiæ  
Culmina; quin thalamum repetat, lectumq; jugalem



6 *Bruma, & Vespera Brumalis,*

Algida. Vix croceo rutilum caput exerit axe  
Cynthius, Hesperias quin mox transmittat ad umbras  
Lampada, & Antipodas lucem transcribat ad Indos.

Tunc nequid desit, Genio quin Bruma litaret,  
Contribuit sua Farra Ceres, sua Vina Lyæus,  
Vulcanusq; Ignes; Vestesq; Cibosq; ministrat  
Pan Deus, & plenum Rurali Numine Victum  
Suppeditat: Dibapham emensus caligine noctem,  
Stertit ad octavam Somnus porrectior horam.  
Sæpè etiam longum Brumalis Vespera calcem  
Producens, curtæ compensat damna Diei;  
Dum Vespertinis opportuna otia Festis  
Largitur, curtæ grata incrementa Diei.

(ergo)  
Sed quis erit Locus Hospitii? quisve Hospes? &  
Dic mihi Patronum, Mecænatemq; futurum,  
Dic mihi, Musa! Virum, cui pleno Cópia Cornu  
Affluit, & Mentem inspirat Natura benignam;  
Cui Deus Ingenium, cui bellas suggerit Artes  
Pallas, & ingenuo decorat Præcordia Cultu.  
Seu sit, nativo Rationis acumine clarus,

*Roystonice agitata.*

7

Fortunæ dotum compos, Geniūq; benigni,  
*Gloverus* noster, cui multum debeo: seu sit,  
Et qui felici Legum dītefeit ab usu,  
*Brownius*; invigilansve Sacris, Venerabilis ille,  
Doctrinā illustri, & Morum Candore refulgens,  
*Draperus*: seu sint, & nobis sanguine juncti,  
*Flettonius*, *Fordhamusque*: aut *Glennester* opimis  
Luxurians rebus; Jurisve exercitus arte  
*Buxtonius*: Sitve Archiatri Therapeutica Phœbi  
Julapia, & Medicis componens Juncula Suecis  
*Hanchettus*; Pugilīve tenens Insigne Georgi  
*Savagius*, cæsiq; Draconis Sanguine miscens  
Spumantes Phialas, Calathisq; Arvisia Vina  
Depromens: nec non & Amicus *Snowius*, amplum  
Bacchi Templum habitans, & cujus ad Ostia Rubrus  
Invigilat Leo, dum Rosei Convivia Patris  
Festa agitat. Reliquos autem, quos Villa Dynastas  
Roystoniana suos agnoscit, laffa referre  
Musa nequit, numero Multos, genere Arcadas omnes;  
Fortunas verò gnaros augere, nec illis

Incas.

8 *Bruma, & Vespera Brumalis,*

Incafsùm in lævâ Venæ falière mamillâ :  
 Cambia Mercurii utiliùs quàm Palladis Arces  
 Invisunt, Quæstúmque colunt, Rémq; acritèr urgent  
 Grana parant Bacchi, transmutant Hordea, & inde  
 Brasia, Britanni tosta Ingredientia Vini,  
 Conficiunt, calléntque usum. Generosus Amicos  
 Laudatos inspirat Honos, Censum quibus amplum  
 Dat largâ Fortuna manu, nec deficit illos  
 Par Fortunæ Animus ; Sociis nam plena ministrant  
 Pocula, fœcundâsq; Epulas, atque Hospita Tecta.

Nunc Tu, Quisquis eris, qualem lusoria nostra  
 Depinxit Musa, & qualem Roystonia nostra  
 Continet angustæ vix paucum in limite Villæ,  
 Tu noster Patronus eris, Tu noster Apollo,  
 Túque Epuli Dominus ; Scenámq; patentia vestra  
 Pro Vespertinis ornabunt Atria Ludis.

Sub noctem, & Penſi post munera gesta diurni,  
 Cùm faciunt dubiam subnigra Crepuscula lucem,  
 Imponúntque operi finem : tum forsan in Hujus,  
 Illius, aut vestras Vicinia confluit ædes,



Symposio clausura diem; quos semper amice,  
Et lauto hospitio, & leto super omnia vultu  
Excipitis: sperare licet, quos inter ut ipsum  
Me quoq; pertenuem non contemnatis Amicum.

Munia vix iussi peragunt, sua quisque, Ministri,  
Et Pincerna, sua qui sub ditione gubernat,  
Regna penus, jam pandi opes, promitq; repostas  
Ampullas, & spumosis redimita corollis  
Pocla: Vaporiferum profert in Pyxide clausum  
Thesaurum, Occidui fumantia Aromata Mundi.  
Juxta Argilloso ponuntur ficta Metallo  
Organa, Fumificæ cava Conceptacula Gazæ.  
Interea aggestis largè Domus ampla calefcit  
Ignibus, & vivis collucet Mensa Lucernis.

(sunt  
Hemicyclum ante focum ducunt, Figulina capef-  
Arma; nec ulterius jam Pyxis Virginianas  
Clausa flagellat Opes: Nicotî effunditur Herba  
Sectilis, & Tubulos Fumoso fomite stipat.  
Concipiunt ignem Foculi, & Polychresta Tabaci  
Materies, priscis Panacea incognita seclis,

Arida,

10 *Bruma, & Vespera Brumalis,*

Arida, & exiguis sensim Fornacibus ardens,  
Fundit Arômatici sinuosa volumina Fumi.  
Fumida Phlegmaticas aperit Buccella cavernas;  
Filtrâq; abundantem excernunt Adenosa Salivam,  
Conficiunt crebros Philotesia Pocula cursus,  
Ungitq; arentes, plaudenti Guttare, Fauces,  
Humectans ficcum Potus Generosior Ignem.  
Vota Salutifera, ingenti subvesta Liquore,  
Currunt per totam Lavo de Pollice Turbam :  
Dum Lex innocua, & spontanea Norma Bibendi  
Temperat assiduo redeuntia Pocula gyro.

(longo  
Commemorant Reginam ANNAM, quæ stemmate  
Britannorum Atavum seriem Milleſima ducens,  
Prudenter summas Rerum moderatur habenas.  
Alma Parens Patriæ, Regni Fiducia, vivat  
ANNA potens ; fatiq; modum, metâmq; senectâ  
Transeat, ad Cœlos serò reditura beatos,  
Usq; Eadem vivat, Decus & Tutela Britanni  
Nominis, ejusdémq; UNITRIX Clara Britanni  
Nominis. In binas divisa Britannia Gentes,

Et

Et quam Naturæ à reliquo disjungere mundo,  
Quàmq; etiam Æquoreo placuit circundare Vallo,  
Nunc, Regina ! tuo Ductu est Unita secundo,  
Et subjecta uni sub eodem nomine Sceptro,  
Auspiciis vestris Regnum coalescit in Unum.  
Usq; Eadem vivas, Uniti Gloria Regni !  
Téq; beet multis Victoria crebra Triumphis,  
Et Bourbonnensem pergas contundere fastum.

Tum sequitur deinceps, & cui Bona cuncta prece-  
(mur,  
Nobilis Angliacæ sancita Ecclesiæ Lege ;  
Quam neq; Schismaticæ Rabies, neq; subdola fregit  
Roma, nec Infernæ valuêrunt vincere Portæ.  
Regia deindè subit, Votis memoranda, Propago :  
Tum memorant Regni Proceres ; tum Martis Alum-  
Ausq; Armisonæ Capita objectare Procellæ, (nos,  
Herôas fortes, formidatq; potenti  
Gallorum Regi ; quorum & meminisse juvaret,  
Felicémq; suam Cyathis optare Salutem.

Intereà sociis fallunt Discursibus horas :  
Sed quis multiplicem potis est depingere Scenam



12 *Bruma, & Vespera Brumalis,*

Colloqui, aut varias Sermonum tradere Formas?  
 Hic sibi de Pactis plaudit, magnosq; recenset  
 Nummorum Reditus; quæ Merces, quærit & Ille,  
 Majorem apportant quæstum; quæ Causa coercet,  
 Incenditve Forum; quanti nunc ebria constant  
 Hordea; nunc quanto venduntur edulia nummo  
 Tritica: nunc quoq; Lanificam quis promovet Artem  
 Successus; quæ longinquis Bona nuper ab oris  
 In Londinensem venere exotica Portum:  
 Insupèr & Pretia exquirunt, in utramq; parati  
 Fortunam, seu fortè emere, aut seu vendere detur.

Sæpè etiam ingentes Regnorum evolvere Casus,  
 Sæpè etiam Arcanos cordi est penetrare Recessus  
 Concilii, variósq; Status momentaq; Rerum  
 Pendere. Sæpè juvat magni Decreta Senatûs  
 Excutere, impositiq; Viásq; Modósq; Tributi  
 Inspecere, & Rerum Methodos scrutarier, & quid  
 Consilii Bellum possit fulcire Modernum,  
 Donec honoratam apportet Victoria Pacem.

Nunc

Nunc nova in externas confertur Gratia Gentes,  
Quâ Peregrinorum Lex est sancita, vigetq;  
Erga Adventitios Studium ; quâ Porta Britanni  
Imperii patet. Intrudunt peregrè agmine vasto  
Asciti à patriis, quas Rhénus perluit, oris  
Germani, fato profugi, durâque coacti  
Sorte suas Sedes, & avita relinquere regna ;  
Jam verò admissi, & donati gente Britannâ.  
Quorsùm autem hæc Britonum mira Indulgentia (tendat,  
Nescitur : latet Utilitas ignota Statuti,  
Et quæ Britannis apportet commoda Regnis  
Ampla Peregrinæ concessa Licentia Turbæ,  
Arcanum est : tamen Omne Benè, & fausta Omina (sperant.  
Quos autem Externi captavit Imago Lucelli,  
Cassa Palantinæ fileant miracula Gazæ.

Tum subit attonitas juxta Admiratio mentes,  
Undè infinitæ Series æterna Monetæ,  
Suppeditans tanti numerosa impendia Belli ;  
Ut post expensi tot millia millia Nummi,  
Manet inexhausto Britanna Pecunia Fundo.

Nunc

14 *Bruma, & Vespera Brumalis,*

Nunc quæ gesta foris, quid narrat Publica Fama,  
 Quidve Rei, quærunt, fert Nuncia Charta Novellæ.  
 Nunc, ubi Britannus figens tentoria Miles,  
 Explicat Unitos, Victricia Signa, Leones,  
 Differitur: nunc, quo Cœli sub Cardine Turcæ  
 Pandunt falcata Mavortia Cornua Lunæ.  
 Ut valet, assiduo Bellonæ rupta tumultu,  
 Flandria, prolixi Sedes celeberrima Belli?  
 Nec commissa suis possunt tot Prælia Campis  
 Hactenus Hispanici fatum decernere Regni.  
 Quid geritur Romæ, inquirunt; quos Papa tumultus  
 Concitat in Latio, quorsumq; incendia miscet  
 Europæ, & Sancti pangit nova fœdera Belli.  
 Quid facit Hungarus; quo mundi Climate prædam  
 Germanæ quærunt Aquilæ: quæ præmia Belli  
 Captat in externis Aquilonia Suecia regnis:  
 Quidve paludosæ Batavus gerit Incola terræ,  
 Divitiis lucróq; inhians; quæve æquora Classis  
 Jam sulcat Britanna: quibus sua Lilia castris  
 Disponit Gallus; quotus est Exercitus, & quæ

Nupera



Nupera Teutonicum tinxerunt Prælia Rhenum.  
 Dat Laurum Agminibus celebrem Pultowa Ruthenis;  
 Cum Juvenem, dubiis nimium qui credidit Armis,  
 Czarus inaudita fudisset strage Suecum.  
 Sed Prusso, & Dano, Russoq; & Saxone junctis,  
 Nunc agitare novos Borealia Sceptra tumultus  
 Cœperunt, \* Pigrumq; laceßere Classibus Æquor.  
 Excipit *Augustum* vastata Polonia Regem,  
 Raptaq; ab infenso petitur nunc Scandia Dano,  
 Et Sueco edoctum metuit Livonia Czarum;  
 Dum quoq; Vindicias sentit Pomerania Prussas.  
 Sed Britonum Regina potens, Dominiq; Batavi  
 Forsan Hyperboreum satagent componere Bellum.  
 Dum recitant Arma, & Pugnas, & Fulmina Belli,  
 Emicat Angliacis *Dux Marlburgensis* ab oris,  
 Reginae & Patriæ Vindex, Gladiq; Togæq;  
 Artibus instructus: neq; enim præstantior Armis,

---

\* *Pigrum Æquor*, (i. e. Mare Balticum) quod *Pigrum* nominatur à Tacito, quoniam Fluxu & Refluxu, ut alia Maria, non reciprocatur.

16 *Bruma, & Vespera Brumalis,*

Consiliisve alter ; nec quem cumulatis ornant  
Naturæ, atq; Animi, & Fortunæ ingentia Dona,  
Munera propitii tria præstantissima Cæli.  
Rara etiam egregiis adjuncta Modestia Gestis,  
Candorq; Ingenii, & Solidæ Stabilissima Mentis  
Temperies, Probitas Morum, diffusaq; Virtus  
Mantissam Laudum, & reliquo superaddit Honori  
Eximium Decus ; idq; etiam dum fortia Facta  
Conciliant Titulos, & Opes, Noménq; perenne.

Quando intestinīs Bavara Incendia flammis  
Cæpère in vestris grassari, Alemannia ! terris ;  
Et Galli adjecere Oleum : *Marlburius Heros,*  
Haud dubitans fractæ Imperii succurrere Causæ,  
Carpit Iter longum, & Marti confisus aperto,  
Et Donaverti Aditus penetrans, munitaq; Castra,  
Æternam victo Laurum portavit ab Istro,  
Captivum Angliacas *Tallardum* misit ad oras,  
Et Blenheimensis posuit fundamina Turris.  
Erigit æternum *Blenheimia* victa Trophæum,  
Et Woodstockensem statuit pro munere Sedem,

Nunc

Nunc Blenheimensem, mutato nomine, Turrim.

Aggrediensq; iterum auspiciis felicibus Hostem;  
Serta Brabantinis Victricia portat ab oris,  
Et duraturos Ramilenſi a Cæde Triumphos.  
Nec fileat Strages memorabilis Aldenardi,  
Portat & inde novas Victoria nupera Laurus:  
Egressi Fossis committunt prælia Galli,  
Brugarum Gandæq; luunt perjuria victi.

Nobilis *Eugenius*, Juncti Spes altera Belli,  
Invictusq; Heros, multâ Arte insignis, & Armis:  
Cui Titulum Patria de Gente Sabaudia pulchra  
Donat, & æternum Gesta Illustrissima Nomen:  
Qui rapidum toties Athesin, totiesq; superbuni;  
Et Phaethonteo Flumen memorabile Letho,  
Eridanum, & septas armato Milite Ripas  
Ausus transcendisse; atq; Auxiliaria tandem  
In Pedemontanis statuens Insignia Campis,  
Liberat Ausonium longa Obsidione Turinum.

Altera Bella manent, & Cœpta ingentia; jamq;  
*Eugenium* Tellus accersit Belgica; jamq;



18 *Bruma, & Vespera Brumalis,*

Qui toties charum Superis Caput objicit Hosti,  
 Fronte gerit magni Signum indelebile Martis;  
*Engenioq;* favere probat Frons saucia Numen.  
 Sed Conjuratis tandem captæ *Insula* ab Armis  
 Dant Capiti Serta, & laceræ Redimicula Fronti.

Haud aliter Dux Inviectus, *Petrobuxius Heros,*  
 Præstat in Hispaniis Belli Miracula terris,  
 Dum Monjouensem, positâ formidine, Turrim  
 Expugnat; poscensq; audaci Prælia Marte,  
 Barcelлонensem Turmis victricibus Urbem  
 Incessit, captamq; pari Virtute tuetur.

Vix restat dubium, quin tunc *Mordauntius Heros,*  
 Consilio obsequium sano modò Fata dedissent,  
 Intima in Hispaniâ penetrasset viscera Regni,  
 Et *Carolus* in Solio Austriacum posuisset Ibero.

*Rookins,* Æquoreus Ductor, Neptunia Proles,  
 Notitiâ Pelagi clarus, Gestisq; Marinis:  
 Descensum Hispaniâs frustra molitus in oras,  
 Excidit à primis, nec Causa innotuit, Ausis;  
 Hactenus in dubio, seu Fors damnetur, an Error:

Culpa

Culpa latet, pariterq; Reus; neq; noscere detur,

Quis Tartessiaci luat infortunia Cœpti.

Expiat infastas felix Audacia Gades,

Classiq; Havana, & raptæ Spolia ampla Vigonis.

Herculeas Fauces, Europæq; ultima Claustra,

Transiit, & Medio pandens Aplustria Ponto,

Victrici Calpen Classe expugnavit Iberam;

Tum demum Hispaniæ felix portaudo Triumphi

Primitias. Longum celebris Victoria in ævum

Clareat, Herculeæ durans insculpta Columnæ.

Neve ea, quæ Malagæ intonuit, Navalis Enyo,

Sit reticenda quidem; Lauro, non Laude carebat:

Excipit hostiles dubio certamine Gallos,

Fructumq; ostendit, captiq; Gibraltaris usum:

Cum tremula ancipitem tenuit Victoria Libram,

Dat Classi tutum Calpe modò victa Recessum.

*Leakius* Illustris, Fortunatissimus Heros,

Et Conclamatis natus succurrere Rebus:

Dum spatiatur ovans Mediterreo in Æquore Victor,

Navalem maturat opem, & Gibraltar anhelans,

20 *Bruma, & Vespera Brumalis,*

Fessumq; Obsidione gravi, & jam penè fatiscens  
Sublevat. Ille idem obsessas emancipat Arces,  
Barcellona! tuas. Mirum Catalaunia plaudit  
Successum, & trepidos magno impete dissipat Hostes.

Quin vestro, *Leaki!* Cælo aspirante Labori,  
Altera in Æquoreo succrescit Laurea Campo,  
Et nova Britannam illustrat Victoria Classem.  
Dedita Sardinia est, atq; expugnata Minorca;  
Utraq; Communi sua confert Symbola Causæ :]  
Illa ferax Frugum, Cerealia Dona ministrat;  
Hæc hybernandis Statio opportuna Carinis,  
Ardua Mahonio cohonestat Littora Portu.

*Bingius* Æquoream meruit sine cæde Coronam,  
Laurumq; exanguem, & partam sine vulnere Palmam  
Quando Caledonio prohibens à littore Gallos,  
Cambriacum, juvenem, Dunquercensemq; Phalangen  
Terruit, & fractis desistere fecit ab ausis.

Frustrà equidem Seotas Cambrensis Regulus oras  
Appetit, & Regno Titulos ac Jura Britanno  
Prætendens, dubias infaustis asserit armis



Vindicias; quanquàm audaci Gens Gallica cœpto  
 Astipulatur ovans, quanquàm astutissimus Heros  
 Concipit ingentem spem *Ludovicus*, & ipse  
 Ausa probat *Pater Italicus*, pia Vota, Precésq;  
 Erogat, & sacrum Precibus pretiosius Aurum,  
 Protinùs infanis obniti accingitur ausis  
*Bingius*: ille statim velis remisq; laceßens  
 Oceanum, accelerat Classẽ; & per cœrula Nerei  
 Stagna petens Wallensem Herœa, metumq; fugamq;  
 Incutit, & sparsas Britanna per æquora Naves  
 Usq; agitans, vetitâ Gallos procul arcet arenâ.  
 Vidit ab excelsis Albania turribus Hostem,  
 Palantésq; Rates, fugientemq; æquore Classẽ;  
 Agnovitq; tuas, *Bingi* Clarissime! laudes,  
 Dum Tibi Municipis meritum gratantèr honorem  
 Donat Edenburgum, atq; amplo Diplomate firmat.  
 (*Heros,*  
*Webbius*, Anglorum Egregium Decus, Inclytus  
 Magnisq; æquatus Ducibus, quem Bellica Gesta,  
 Quem Winnendaliæ, Facinus prænobile, Pugna  
 Æternâ celebrat Famâ, Lauróq; perenni.

Turmatim cœunt Galli: tum plena pericli  
 Sparta subit; Castrense Penum, Belliq; Supellex  
 Mandantur Plaustris, medios portanda per Hostes:  
 Præsidio munitur Iter; Galliq; parati  
 Frustrâ inhiant Prædæ. Critico nunc Cardine Fatum  
 Vertitur, Obsidióq; *Inf'larum* pendet ab illo  
 Successu, aut servare Penum, aut desistere Cœpto.  
*Webbins* occurrit, Numerosósq; impare Gallos  
 Profligat Numero, & felici Clade repellit;  
 Tuncq; *Inf'las* vicit, cum vinci posse coëgit.

Nuper erat, cum, more suo, Ludovicus Olivam  
 Prætendit, Pacisq; tegens sub nomine Fraudem,  
 Nititur Uniti Cæmentum solvere Belli.  
 Sed manifesta Fides; pendent namq; irrita raptis.  
 Consiliis Pacta, Articulos sancire recusat  
 Gallus, & incensi gliscit Violentia Belli.

(Turres,  
 Tum frustrâ inviétas Tornacum, Urbs Nervia,  
 Muniménq; ingens, & inexpugnabile Castrum  
 Sculpturâ ostentat, portátq; Emblema superbum,  
*Nunquam posse capi.* Socii cœiere Manipuli,

Spre-

pretóq; Augurio, & Gallis spectantibus, Urbem  
 posse capi ostendunt, opera urgent bellica, & ingens  
 Ausi etiam facinus, Sculptum rescindere Fatum  
 Non dubitant; *Non posse capi* capiendo refellunt.

Quòd super ac subter Terram pugnetur, & ipsa  
 Per cava suffossæ grassetur Viscera Terræ  
 Bellonæ furiale Malum, testantur opacæ  
 Tornaci Latebræ, testantur & Abdita Bella,  
 Cuniculos intra, Terræq; Foramina gesta;  
 Nec non Ætnæis accensus Fomes in Antris,  
 Horrida flammivomis volvens Incendia Claustris,  
 Horrisonus Fragor, & Cœli Terræq; Ruina;  
 Dum resonant vasto Pyroclastra horrenda boatu,  
 Et micat explosis scintillans ignibus Æther:  
 Haud secùs ac Cœlum auderent, Soliùmq; Tonantis,  
 Ætheriâsq; Domos inimicâ invadere Flammâ.

Nec Marti vestros, Hannonia Belgica! Campos  
 Incafsùm addicis; vestro Res Magna Theatro  
 Transigitur; Fatum Europæ, & Tartessia Sceptra,  
 Pugna Blaregnensis, Belliq; asperrima Scena;

Eventu



24 *Bruma, & Vespera Brumalis,*

Eventu stupet Orbis hians. *Villarum* audax,  
*Bouffleriúsq;* senex, longis Veterator in armis,  
 Gallorum Turmas, Bourbonnensésq; Phalanges  
 In vestras duxère Plagas, inimicáq; tendunt  
 Cornua Malbodium versùs, Montésq; tueri  
 Obsessas frustra satagunt; Locáq; edita nacti,  
 Se condunt Sylvis, Fossísq; atq; Aggere ciungunt.

Tunc Par Inviétum, & Socii Duo Lumina Belli,  
 Eximiísq; Duces, *Marlburium*, *Eugeniúsq;*  
 Ordine componunt Aciem, & Socia Agmina jungunt,  
 Agmina præclaris totiès assucta Triumphis,  
 Accingúntq; statim Pugnae: mox ingruit Horror  
 Armorum, & strepitu ingenti Nemora alta resultant,  
 Dum Signa horrificis reboans dat Machina Bombis.

Tunc *Argathelia* Dux, & *Nassovius* Heros,  
 Par Juvenum Intrepidum, & Surgentia Sidera Belli,  
 Pugnam ineunt, primísq; petunt insultibus Hostem,  
 Sylvarúmq; Aditus, & vix superabile Vallum  
 Conscendunt, Gallósq; Igni Ferróq; fatigant.  
 Nec rigidis usquàm plùs sæyit horridus armis

Bella-

Bellator Deus, aut majori excaudit æstu  
Armipotens Bellona : patent mille ostia Lethi ;  
Dux pariter Milēsque ; Toro decumbit Honoris.  
Germanus cadit hic, hic Teuto Nobilis, illic  
Procumbit Britannus Eques ; nec Gallica Pubes  
Mollius expectet Fatum, dum Plumbeus Imber  
Depluit, & fusas ingenti strage Cohortes,  
Inferias, Gradive ! tibi, proster nit. At Hostis  
Haud renovans Aciem, retrò ruit undiq; fractis  
Ordinibus, trepidamque fugam turbata capessit  
Agmina ; dum niveis plaudens Victoria pennis  
Stat juxta, Lauròque, amplà Socia Arma coronat.

Sed nova lethiferos iterat suscepta Labores  
Obsidio, & tardi repetens mala tædia Belli,  
Instaurat duras adversus Mœnia Pugnas.  
Nam feriunt Hannones Mavortia Fulmina Montes,  
Horrendumque tonant ; nec inania Signa futurae  
Deditionis habent ; dum Stridor, Fumus, & Ignis  
Alternis horrent vicibus ; dum luridus Æther  
Caligat Nebulâ, & Nitrato Pulvere tectus

Offun-

26 *Bruma, & Vespera Brumalis,*

Offundit Tenebras; & dum Bombarda minaces

Fulmineo vomit ore Globos, Metecôrâq; longè

Igneâ, flammigeris altè volitantia Caudis,

Portendunt Stragémq; Viris, Urbîq; Ruinam;

Ut decet in primis Cœlo persolvere Grates,

Pro crebrò partis, & tot, tantîsq; Triumphis:

Sic æquum est deinceps Votis ingentibus uti,

Ut tandem longi post multa pericula Belli,

Victrix Pacificam producat Laurus Olivam;

Tantæ molis erat felicem condere Pacem;

Sedare Europæ Turbas, frænare superbam

Gentem, & Fœdifrago Leges imponere Gallo;

Sic ipsi Convivæ, Epuli sic ipse Magister

Sermonis varium fatagunt deducere Filum.

Sed simulac solidos maturo pectore Sensus,

Architricline! tuos depromis, Turba filefcit

Cætera, & intentam Dictis accommodat Aurem:

Dum Tu, Vicinis circumvallatus Amicis,

Discursum instituis; juxtâq; in Sede locatus,

Haud secûs ac Cathedrâ, facundo edisseris ore

In-



Ingentes Rerum Causas, aperisq; disertè  
 Sacræ Pandectas *Sophia*, convellere gaudens  
 Quicquid molitur Romana Ecclesia, quicquid  
 Intempestivo Rabies Fanatica Zelo  
 Suggestit, incanto obtrudens Deliria Mundo;  
 Et quæ Schismaticam distinguunt Dogmata Sectam;  
 Tollitur Arbitrium: durant Adamantina Fata,  
 Æternæ Leges, atq; irrevocabile Cœli  
 Decretum. Prodit Legio Sanctissima, quorum  
 Pura est Religio, & Simplex, & prorsus ab omni  
 Ordine Formarum, & Cultûs Systemate Pura:  
 Sed quæ, Pura licèt, rudis & confusa videtur,  
 Atq; est. O Fortunati! quos semper amavit  
 Numen, & æterno Eximios elegit ab ævo:  
 Qui credunt satis esse suum vel Credere, donec  
 Salvificis Christi Meritis nituntur, & ipsos  
 Nuda Fides, expersq; Operum, Praxiq; soluta  
 Ducit ad Astringeros peramcæno tranjite Cœlos.

Illicò ad oppositas Sermo transcribitur oras,  
 Et nova pomposæ lustrantur Dogmata Romæ:

Per-

28 *Bruma, & Vespera Brumalis;*

Pergis enim astuti Fraudes aperire Cuculli,  
 Æquivocam Sermonem, & Versicoloria Dicta;  
 Clausaq; Lucifugis Fidei Mysteria Verbis,  
 Præstigias Missæ, Cœnæq; Elementa Sacratæ,  
 Quorum sub primis Essentia prima Figuris  
 Permanet, in Christum non transmutanda Realem;  
 Quicquid Sacrificans jactet Chymicâ Arte superbus;  
 Cujus mirificam obtinuit Theopœia Famam.

Quid Mitræ facient, audent cum tanta Cuculli,  
 Ostendere novæ Commenta celebria Romæ:  
 Quidlibet audendi Libertas prostat, & amplum  
 Deposcit pretium: Veniæ venduntur, & Agni  
 Mille Dei, totidemq; Cruces; Lucrumq; beatum  
 Insignita suis Plena Indulgentia Bullis;  
 Venales Missæ, & Meriti Præconia portant.  
 Nec frustra Infernum torrent Incendia Lîmbum,  
 Auget enim Sacros Ars Purgatoria Fiscos,  
 Ditescuntq; pio Papalia Scrinia quæstu.  
 Namq; micat Fulvo Purgatrix Flamma Metallo;  
 Et, nutrita Auri pretioso Fomite, flagrans,

Peccatricem Animam Mundanâ à Labe repurgat;  
 Quâmq; repurgatam, Missis Nummóq; redemptam  
 Sacrifici, quibus incumbit tam nobile Munus,  
 Tandem Siderei sistunt ad limina Templi,  
 Intraturam Ædes, Petro admittente, Beatas.  
 Sic Cœlum venale patet, sic itur ad Astra,  
 Sic parat æternam numerata Pecunia Vitam.

(trem,

Quæritur Ansonium quæ *Mens* agat *Enthea* Pa

Errorisq; expers, Divinæq; æmula Sortis,  
 Fallere quæ, & falli, sit nescia. Quæritur undè  
 Accrevit Dominæ Suprema Potentia Romæ,  
 Et sua cur reliquas supereminet Infula Mitras,  
 Quaslibet ut posset ferre & rescindere Leges,  
 Et Clave æternos referare & claudere Cœlos:  
 Dum Capitolinâ Præsul Romanus ab Arce  
 Vibrat inerranti Bullata Tonitrua dextrâ.

Perstringis celebrata, Humanæ impervia Menti,  
 Arcana: undè Dei Simplex Essentia Trini;  
 Undè Triplex Uhi subsistit Hypostasis Enti,  
 Constituítq; Deum Triplicis Discriminis Unum.

Mira



28 *Bruma, & Vespera Brumalis;*

Pergis enim astuti Fraudes aperire Cuculli,  
 Æquivocum Sermonem, & Versicoloria Dicta;  
 Clausaq; Lucifugis Fidei Mysteria Verbis,  
 Præstigias Missæ, Cœnæq; Elementa Sacratæ,  
 Quorum sub primis Essentia prima Figuris  
 Permanet, in Christum non transmutanda Realem;  
 Quicquid Sacrificans jactet Chymicâ Arte superbus,  
 Cujus mirificam obtinuit Theopœia Famam.

Quid Mitræ facient, audent cum tanta Cuculli;  
 Ostendere novæ Commenta celebria Romæ:  
 Quidlibet audendi Libertas prostat, & amplum  
 Deposcit pretium: Veniæ venduntur, & Agni  
 Mille Dei, totidemq; Cruces; Lucrumq; beatum  
 Insignita suis Plena Indulgentia Bullis,  
 Venales Missæ, & Meriti Præconia portant.  
 Nec frustra Infernum torrent Incendia Limbum;  
 Auget enim Sacros Ars Purgatoria Fiscos,  
 Ditescuntq; pio Papalia Scrinia quæstu.  
 Namq; micat Fulvo Purgatrix Flamma Metallo;  
 Et, nutrita Auri pretioso Fomite, flagrans,

Peccatricem Animam Mundanâ à Labe repurgat ;  
 Quâmq; repurgatam, Missis Nummóq; redemptam  
 Sacrifici, quibus incumbit tam nobile Munus,  
 Tandem Siderei sistunt ad limina Templi,  
 Intraturam Ædes, Petro admittente, Beatas.  
 Sic Cœlum venale patet, sic itur ad Astra,  
 Sic parat æternam numerata Pecunia Vitam.

(trem,

Quæritur Ausonium quæ Mens agat *Enthea* Pa-

Errorisq; expers, Divinæq; æmula Sortis,  
 Fallere quæ, & falli, sit nescia. Quæritur undè  
 Accrevit Dominæ Suprema Potentia Romæ,  
 Et sua cur reliquas supereminet Infula Mitras,  
 Quaslibet ut posset ferre & rescindere Leges,  
 Et Clave æternos referare & claudere Cœlos :  
 Dum Capitolinâ Præsul Romanus ab Arce  
 Vibrat inerranti Bullata Tonitrua dextra.

Perstringis celebrata, Humanæ impervia Menti,  
 Arcana : undè Dei Simplex Essentia Trini ;  
 Undè Triplex Uhi subsistit Hypostasis Enti,  
 Constituitq; Deum Triplicis Discriminis Unum.

Mira

30 *Bruma, & Vespera Brumalis,*

Mira Theanthropi referas Myſteria ; nec quæ  
 Hæretico Arrius procudit pectore, nec quæ  
 Socinus, nec quæ Sectator Crellius urget,  
 Aſſenſum meruere : ſuas Immobile Verum  
 Defendit partes. Describitur Ethica Virtus;  
 Atq; Proæreticis acquiritur Actibus, unde  
 Morales Habitus. Huc Aurea Regula ſpectat;  
 Quæ Legis Summa eſt, Verſuq; abſolvitur uno;  
*Quod ſibi Quis fieri non vult, nè fecerit Ullo.*  
 Illa, illa Humanos metitur Linea Mores !  
 Et juſta ambigui ſignat Confinia Recti.

Felix ille animi, qui Dicta ac Facta probatam  
 Exigit ad Normam, & medio qui tramite nitens,  
 Securum molitur iter, dum tendit ad Ædem  
 Virtutis, puræq; Deæ petit integer Arces :  
 Uſq; Probus, Rectiq; tenax, & Cultor Honeſti  
 Aſſiduus, ſempérq; Idem, & ſpectatus in omni  
 Fortunâ, ſeu mœſta dolet, ſeu fortè renidet  
 Læta : nec internas agitare Pathemata turbas  
 Permittens, Animum cohibet, ſubigitq; rebelles

Affectus,



Affectus, Habitúsq; malos extirpat, & ipsos  
Restituit tinctos Vitiorum aspergine Mores,  
Corrigit & pravos; rubeat nè Vultus aperto  
Crimine, nec tacitâ pungantur Pectora Culpâ.

Felix ille animi, qui per Discrimina tanta,  
Inter & Humanos Lapsus, Mundíq; Procellas,  
Tum demum innocuæ peragens Stadia ultima Vitæ,  
Prospicit extremam sedato pectore Metam,  
Nec metuens Obitum, supremáq; Fata; nec optans.

Dum legi ac normæ Generosi applaudis Honesti,  
Juridicam Gentem, & Genuinam Justiniani  
Progeniem celebras; qui Leges Juráq; recto  
Tramite conservant, & quorum Argentea Lingua  
Causidico dat fræna Foro: quos Candida Fama,  
Consilium, Ingenium, Probitas, Prudentia, Virtus  
Ad summum duxere Apicem: quos æquiter acta  
Commendant Jura, & Legum laudabilis usus.

Degenerem verò Sobolem, Excrementáq; Legum,  
Haud secus ac Pestem, & fœdam Jurisq; Foriq;  
Sentinam insequeris. Procul hinc, procul ite Clientes!

32 *Bruma, & Vespera Brumialis,*

Et fugite æternæ miseranda Proemia Rixæ,  
 Demoborásq; Fori Harpyias, Scyllámq; Crumenæ.  
 Namq; in Pandectis, Legúm; in Codice Bellum  
 Intestinum oritur: Titulus Titulum, Articulusq;  
 Articulum oppugnat. Tantas componere lites  
 Quos penes est, <sup>(ultra)</sup> *Causam implexam, proh Dedecus!*  
 Implectunt, Griphósq; struunt, & subdola tendunt  
 Retia, & Aurito pergunt dare verba Popello,  
 Dum malè quæsitum satagunt. captare Lucellum.  
 Respondent, replicant, subjungunt, incidit Error,  
 Causa cadit, cœptæq; perit Spes irrita Litis.  
 Proh miserum! repetenda manent Exordia prima;  
 Lassatúsq; Cliens, tanquàm alter Sisyphus, urget  
 Usq; relapsurum infano molimine Saxum.  
 Causa reviviscit, demùm renovata; Foriq;  
 Processus iterùm instaurat; remoratáq; demùm,  
 Hæret; &, amoto demùm Sufflamine, rursùs  
 Pergit, & ad Crisim ignavis Processibus itur.  
 Sic trahitur Filum, sic Judiciaria Causa  
 Netur in immensam prolixo stamine Telam.

Sic Juris Remoras, & inextricabile Legum

Enigma, argutâsq; Strophas, & Jurgia rauci

Indefessa Fori incusas, durâsq; Clientum

Commiserare vices, exantlatâsq; Crumenas.

Tutiùs indè soles Naturæ in Castra Magistræ

Transire : hîc veterum trutinas celebrata Sophorum

Dogmata, & arguti Subtilia Bella Lycæi

Componens, solvis Nodos : ubi, limine primo,

Occurrit, veterum Crux, Entelechia, Scholarum,

Corporis Organici memorabilis Entelechia ;

Obscurâq; *Animam* verbo definit, ut indè

Ignotis pateant Ignota. Hinc nobilis Ortum

Decantatum Animæ exploras ; an Traduce ducat

Natales, Patriæve trahat Primordia Cœlo.

Qualitèr in Toto sit Corpore Totus, & Omni

Parte etiam Totus, Parvum qui temperat Orbem,

Spiritus. Undè suam recipit Novus Embryo For-  
(mam ;

Undè micat Punctum Saliens ; quid Corde Choream

Instituit primam ; quo Vitæ Phosphorus igne?

Flagrat, & Humanum fovet alma Lampade Mundum.



Undè etiam Organicas Motu Gens Nervea Partes  
 Donat, & innumeros Cerebrosâ ab Origine Ramos  
 Protendens, vegetum mirè per Membra vigorem  
 Explicat. Humanum quæ Vis regit Enthæa Cœlum,  
 Distribuensq; rei temeraria Furta Promethæi,  
 Fundit Sensificas Cerebri de Cortice Vires:  
 Dúmque etiam Humani curat Moderamina Regni,  
 Palladium summâ Capitis conservat in Arce,  
 Reflexámque illam Divinâ ab Imagine Lucem,  
 Emicat undè *Animus*, qui, magnum accinctus in usum,  
 Temperat Humanos miris Influxibus Actus,  
 Illustrans Parvum Rationis Lumine Mundum.

Naturæ Authorem celebras, qui primus Elasta  
 Materiam in Motu posuit, qui Conditor ipsam  
 Materiam, & totum Mundi Aspectabilis Orbem  
 Fœcundo elicuit Nihilo. Figmenta Sophorum  
 Discutis. Æterno Mundum fundavit ab ævo  
 Magnns Aristoteles. Cæco Corpuscula Casu  
 Obvia, fortuitásque Atomos glomeravit in Orbem  
 Democritus. Vísus est Sophiæ lustrare Recentis

Commenta, argutas Nugas, Elementaq; Terna  
Cartesii, in magnum Mundi digesta Volumen.  
Quomodo Materiam Globulis excussa scabrosis,  
Subtilem Ramenta parant, cuduntq; minutim?  
Quomodo Subtilis, Partesq; extensa per omnes,  
Materia, immensi complet Spatia omnia Mundi,  
Et penitus magno Vacuum proscrit ab Orbe;  
Dumq; agit, vastam Vis ejus Elastica Molem,  
Ocius in Motum Globuli solvuntur; & ipsi,  
Materiæ Exilis rapidis Impulsibus acti,  
Ducunt fictitios supposito in Vortice Gyros.  
Tertia Materia, & reliquis onerosior, atq;  
Concurrens ab utroq; Polo, atq; implexa Striatis  
articulis, solidum Terræ subsidit in Orbem.

Unde autem Fluidi Medium Penetrabile Cœli  
ervadens Lumen, Terram hanc illustret; & unde  
orta sit hæc Mundi Soboles Primæva recentis,  
ux, Hexamerini Prolusio fulgida Pensi;  
aligat Doctus vel tanto in Lumine Mundus.  
ec multum refert, seu Lucem Cartesiana

36 *Bruma, & Vespera Brumalis,*

Materiae eliciat Subtilis Pressio, cujus  
Consistat rapido Splendens Essentia Motu:  
Sive sit Aetherae Lux Expansissima Flamma  
Syntaxis, à claro transmissa Hyperionis Orbe.

Ultra etiam in Physica inquiris Mysteria, rapit  
Instinctus Ferri, & cecos Magnetis Amores.  
Nec Magnetem Atomis certo constare Striatis  
Constat adhuc, nec quæ Magici Textura Lapilli,  
Nec cur dilecto injiceret secreta Metallo  
Brachia, & attracti peteret Connubia Ferri,  
Particulisq; uncis raperet, Tactuq; stupendo  
Vivificaret Acum, tremulo quæ Pendula motu,  
Vibrat ad optatum Punctatâ in Pyxide Rhombum  
Tendensq; ad Boream fido conamine Metam,  
Ventorum arcanâ Stationem ostendit ab Arte.  
Utilitas sanè patet, & mirabilis Usus.  
Quanquàm Causa latet, Puteo nondum eruta docet  
Cur Acus Arctoum indigitet Versoria Punctum,  
Monstrètq; Omnivagos quocunq; à Cardine Vent  
Dum nixus Magico Vectis Magneticus Axe,



Ventidica instincto moderatur Amusia Ferro.

Nam, licet ipse sedens celsa Pater Æolus arce,

Ventilet Aërios numerofo Flamine Campos,

Omnia multifidi Pyxis Discrimina Ventis

In quater octonis concludit Nautica Punctis:

Quorum ope Nauta viam, ceca tanquam Arte, gu-  
(bernans;

Dirigit incertos in Aquoso Tramite Gressus.

Nunc in Apollineam libet hinc transferre Palæ-  
(stram

Sermonem, ostendiq; etiam quo Pharmaca ritu

Dispensant Medicas Humano in Corpore Vires,

Unde intestinis *Acida Alcalisatq;* luctis

Confligunt, bellumq; cient: quo Particularum

Orgasmo, quæ Mole, Situ, Textu, atq; Figurâ

Prædicta Internas agitant Corpuscula Lites.

Quomodo Sanguinea, enarras, & Lactea Vasa,

Misturam Dichroi minimè admittentia Succis,

Uda Mesenterici pervadunt æquora Campi,

Quò tendit Chylus, & Stomachi concocta Culina

Quas subeunt Alimenta Vias: quo Flumine vectus

Sanguis, Balsamico instaurans Biolychnia Succo,

36 *Bruma, & Vespera Brumalis,*

Circuit Humanum repetitis cursibus Orbem.

Quin juvat occultos Renum cacosq; Canales  
Explorasse, Viásq; Seri, & mirabile Filtrum.  
Quomodo Fibroso Renalis Machina Cribro  
Separat emeritam Nativo à Sanguine Lympham;  
Dum Consignatum reddit Vesica Liquorem,  
Lotium ad eximios natum fataliter usus;

Cujus Fatiliquo reddens Præfagia Fonte

Veratrix Nympha, & Casus edocta futuros,  
Urina, egregios, Populo plaudente, Triumphos,  
Et solidum acquirit Nummum; dum quolibet ex re  
Dulcis Odor Lucri benè olet. Vitæque, Necisque,  
Et quid non? Madidusq; Hydrops, atq; Arida Febris,  
Et Veneris Furta, & Gravidæ rea Sarcina Ventris,  
Et Phædri Siphylis, Gremioq; infusa Corinnæ  
Noxa Suburrana, & fœdi mala Semina Morbi  
Hoc in Fonte liquent; dum conscia Lympha Futuri,  
Promit Vaticino Matulæ Prognostica Fundo,  
Sic Adamanta Adamas fecat, Ars deluditur Arte;  
Sic captat facilem Meretrix Urina Popellum,  
Et qui vult falli, sic fallitur inscius Orbis;

Dum

Dum ſua Fatidico reddens Reſponſa Liquore,  
Oſtentat Magicam Vates Uroſcopus Artem.

(ipſam  
Innumera enumeras Numerorum Commoda, &  
Algebræ enucleas Artē; Sphæræq; ſtupendam  
Doctrinam, Harmoniam Morūs, mirandāq; Cœli  
Phænomena, & reliqua *Artificiis* Magnalia *Summi*  
Pandis, & abſtruſam referas, quaſi Clave, Matheſin.

Tum celebres Epochas, Annoſi Inſignia Mundi  
Tempora; diverſoſq; Situs, varioſq; Meatus  
Aſtrorum; quo procedant Erratica Signa  
Ordine; quæ Solis fuerit, quæ Semita Lunæ;  
Quomodò Zodiacus, Duodeno Sidere fulgens,  
Claudēſq; Obliquo Stellata Animalia Septo,  
Volventis certo regit Anni Tempora curſu,  
Declaras nobis; & quā ratione recurrens  
Idem Annus, curvōq; ſedens Temone, peracto  
Circuitu, in ſolitum revolutus vertitur orbem.

Nunc Critica inverſam ſubeunt Examina Scenam,  
Judiciūmq; tuum arguitur, dum panditur amplam

Rhe-



40 *Bruma, & Vespera Brumalis, &c.*

Rhetorica in Palmam; in strictum Dialectica Pugnum  
Contrahitur, cum poscit opus. Librosque, Virosque;  
Subjiciens trutinæ, Veterum juxta atque Recentum  
Expendis Doctos limata lance Labores;  
Eximiiisque Viris donas Encomia, præfens  
Quos Ætas celebrat, celebrat quos alta Vetustas:  
Tum quos nostra Viros genuit Britannia Claros,  
Tum quos Roma Viros aluit, quos Græcia Doctos,  
Illustrésque Sophos, quibus & Sapientia Prisca  
Condidit æternam Septeno Nomine Famam.

Sic Te, Symposiarcha! tuas, pro more benigno,  
Fortunæ atque Animi Dotes delectat Amicis  
Impertire tuis: longæ Solatia Brumæ  
Sic capis, & præbes. Verum instat Tempus eundi;  
Jamque Tibi Grates discedens Turba rependit,  
Et Tibi propitios optant Pœcla Ultima Somnos.  
Sic placida Hybernæ dirimit Convivia Noctis  
Jam ferme Decimam Vesper productus ad Horam.

In Explementum Vacantis Paginæ,

ACCESSIT

Carmen Gratulatorium

D<sup>ri.</sup> **HOLDER**

INSCRIPTUM,

In Reditum suum ab *Ædibus Urbanis*  
ad *Rectoriam Ruralem Therfieldiæ*,  
Mense Maio.

Authore **THO. WRIGHT**,  
Artium Magistro, & Medico.

**I**lla mihi crebris Votis ambita, diuq;  
*Therfieldæanis Lux exoptata Colonis*  
Affulsit tandem, quâ Tu, Statione relicta  
*Urbana, incolumi Reditu tua Rura beasti,*

Gau-

Gaudia quanta affers ! videas, ut cuncta triumphant

~~Lætitiâ ; ut strictæ solvuntur inhospita Terræ~~

Frigora ; ut, Arctôi Currûs Auriga, Boôtes

Æstuat ; ut Boreale Gelu, Brumámq; fugantes

Tyndaridæ, alternâ fulgentes luce, Gemelli

Pandunt Signifera Vernalia Sidera Zonâ.

Hactenus Astra : magis porro ut Tibi Rura place-  
(rent,

In Reditum, Vir Magne ! tuum se pulchrius ornat

Tellus, dum Rosæ impingunt sua Basia Floræ

Suavius Æolii, posita feritate, Tyranni.

Jam pictis viret Herba Toris, jam pingua Verno

Pascua tinguntur Cocco, Collésq; comoso

Luxuriant Cultu, & passim frondente Lacernâ

Ornatæ nutant Sylvæ : per Ianthina ludit

Prata tepens Zephyrus, cujus genialibus Auris

Fœcunda intimuit Tellus ; Uteróq; recluso,

Florifera innumero diffudit Germina Fœtu.

Quinetiam Auricomus pictum Jubar exerit Hor-  
(tus,  
Delicias Domini, & vestri Decora altera Ruris ;

Illicè,



Illico, Vere novo, \* *Auriculas* arrexit, Herilem  
 Auscultans Reditum; & meditans nova Dona Magi-  
 Promit Odoriferam, Floralia Munera, Gazam :  
 Festè etiam ornatus, tinctusq; in mille Colores,  
 Qualibus & Pluvium Thaumantias insicit Arcum,  
 Pandit in Herbofo Spectacula Verna Theatro ;  
 Ut Dominum Hedychrois sua Pulvinaria Gemmis  
 Oblectent Reducem, & nutanti Flore saluent.

Rasa, polita, virens, Dominiq; incessibus apta  
 Area, Saxoso splendens æquata Cylindro,  
 Findit Arenosos Quadrina in Compita Calles :  
 Fesso autem, æstivos ægrè admittentia Soles,  
 Dant Testudineam frondosa Umbracula Sedem.

Quin videas ! quanto exultat Vicinia plausu ;  
 Rustica quàm densè ad Portam circumflua Turba,  
 Vera sub agresti demonstrans Gaudia Cultu,  
 Læta ferenatis Reducem Te amplectitur ulnis.

---

\* Viz. *Ursinas*. *Auricula* enim *Ursina* sunt Plantæ quædam  
*Hortenses*, satis notæ, primo Vere germinantes, in delicias *magis*  
 quàm usum excultæ, multicolori Florum varietate spectabiles.

**Carmen Gradularium, &c.**

Quin medijs quoque Juvencis molibus cantant,  
Aenea Sacra modulantes Organa Torris,  
Clara per Aethereos diffundere Jubila Campos,  
Supra Nestoreos vivens feliciter annos,  
Sapius ad proprios ultrò citròq; Penates  
Conficias Reditus, tardè obrepente Senectâ,  
Vota Panomphæo facimus sacra Tonanti.

---

**F I N I S.**



